

СССР-н- Деед Советин  
депутатин кандидат  
ўр Н. И. Жезлов  
сунъгъачнрла харгългън

Февралин 17-д Элстин „Родина“ кинотеатрт, сунъгъврин 95-ч Халъмг округар, СССР-н Деед Советин Союзин Советин депутатин кандидат ўр Н. И. Жезлов, эн округин Элст балгъсна сунъгъачнрла харгългън болв.

Тўрўн болдж, округин итклтӓ кўн, Элстин ремзаводин директор ўр Олейников, оln-ӓмтнӓ кандидат ўр Н. И. Жезловин джиргълнн болн кедж йовсн кӓдлмшин тускар сонъсхв.

Ўр Н. И. Жезлов Ростовск областин, Ремонтненск района Ремонтное селӓнд 1916 джилд, тӓрсн. 1942 джилӓс нааран КПСС-н член. 1934 джилд

ВЛКСМ-н Ипатовск райкомд ирдж эклдж кӓдлв. 1940 джилд ўр Жезлов Ворошиловск зоотехнически институт тӓгскӓд ах зоотехник болдж совхозд кӓдлв. Ўр Жезлов Тӓрскӓн харслгъна Алдр дӓӓнд орлицад, орденсӓр болн медальсар, ачлгдв. 1946 джилд цергӓс ирд, партин Ставропольск балгъсна комитетд, дакад партин крайкомд кӓдлв. 1950-с авн 1956-ч джил кўртл КПСС-н Апанасенковск райкомин негдгч сеглӓтрт кӓдлв. 1956 джилд ўр Жезлов КПСС Ставропольск крайкомин сеглӓтрт сунъгъдв. 1956 джилин декабрьт ўр Жезлов халъмг танъгъчин партиин организацин оргбюрон сеглӓтрт батлгдв. 1957 джилин декабрьт танъгъчин партиин конференцд ўр Жезлов Н. И. КПСС Халъмг танъгъчин комитетин негдгч сеглӓтрт сунъгъдв.

Мартин 16-д, нег кўн мет, ирдж партин иткмджтӓ ўрн ўр Н. И. Жезловд дуугъан бгх-мн гидж сунъгъачнриг дууджанав гидж ўр Олейников ўгӓн тӓгсӓв.

Дарунъ босдж ўг келихӓсн ўрмўд (Салова (2-ч номертӓ тосхлтин управленъ), Джиджиков (Ленинӓ нертӓ колхоз), медицинск наукин кандидат Бородько, Меснянкина (ВЛКСМ-н балгъсна комитет), бичӓч К. Эрендженов — эдн, коммунистирин болн партиин биш улснн эвдршго хамцлтин кандидатин тӓлӓ цуг сунъгъачнр, нег кўн мет, дуугъан бгхӓх гидж иткўлцхӓв.

Сўулӓрнъ босдж келсн ўгдӓн СССР-н Деед Советин депутатин кандидат ўр Н. И. Жезлов, сунъгъачнр иткӓд бийнъ депутатин кандидатд орулснд ўнн гол зўркӓрн хандж, сунъгъачнрин даалгъвриг, оln-ӓмтнӓ элч болдж, кўцӓхд кўчн-чидлӓн хармишгов гидж келв.